

RUODA

Žemaitėška gazieta. Leidinīs dīkā

Žemaitėškā bā apsivažēma

Lins MALINAUSKIS

Pariedīta tīms, katrē vuožuoj, ka žemaitems stavuoj suokas, vuo nā ruokundas.

Mažnē pu metu atēlduos „Ruodas“ gazieta atgajuojē. Daugis dingsniu bova kudie gazieta mustējē kabavuoatē bruki čiesa. Nunās glauniausē, ka gazieta vielēk ēšdrūkavuota ē šin žiegi tiešējas, ka kuožna miesi vālīsām ēšdrūkavuotē pu vēna gazietas līki.

Gazietuo, kāp ē vetošiau būs rašuoma ē vuožnuom temuom, ale būs smuočē ē vairēnībiu, bē zabuovu. Vēna ēš gazietas navīnu ī šēts „Žemaitėškā bā apsivažēma“ kertelē.

Tonkē pasitruopēn ēšgērstē stēcēnont, ka žemaitē nāstavuoj atskēdas ruokundas, vuo vėn lietuviu ruokundas suoka. Šēta „Žemaitėškā bā apsivažēma“ kertelē būs truopniau-

sis atruodavēms tīms dėktintuojīms, nes rets katros soszgrebins bēnt posē tuo, kas aurēn būs rašuoma. Rasintās kažkam ē pamačīs apvuožūtē tō, kō mes jau esam musintās nābgrīžtamā pateriuojē – autentėška nāsolietovinta buoči ruokunda.

Daugis ēš jūsa priš puora metu patiemėjuot kadarūnontės karužas cėmosėnies Skūda uličiuos. Karužas bova pakarkliūtas tāj pat Muosiedie. Nunās ēš tuo žemaitėška irinkē palēka gatavs mizeris. Rēktom pakuolīt vėn Muosiedē launīstē, katruo žemaitėška karuža ēškeravuota. Vėsam kėtam stavuoklis so žemaitėškomo asablīvē vinkros.

„Juokiū žemaitėšku vieliauvu mums nārēk“ – če nā Merkėnės ē nā Šalcėninuku prieteliu žuodē. Tāj vuožūn žemaitėškiausio savēm dėktėnontīo Skūda apskrajē muokslėnin-

čės formuons Vėrgėnėjos Juokšos. Jē tas nie škundals, ta kas tumet valėn būtē škundalo? Tas pats formuons priš puora metu nāpasibūgava žemaitėška karuža nušneikavuotē priš pat siejēs 1-ma. Nāvierėjo, kumet plungėškis okstėn skūdėškems, ka Skūda mokslinīnčies daugis vākū par atlīda kuorėduoriūs ruokūn lietovėškā, vuo nā žemaitėškā. Kumet mokslėninčiuom vaduovaun veikiejē so tuokė povīza, katrē nāpakošėnami net pu onštīkē so džiuovas užkrato, nāprigolietom dīvītės, ka žemaitėškomas kaipst.

Skūda valdīuos puovīza i tō kregė ī nuognė majadnos. Būdama muokslėninčiu steigiejē anuos švėtėma skīrē furmuonē nāžėna kadarūn valog muokslėninčē žemaitėškas karožas, a nē.

Asablīvē špėtuokliūtā veizas, kumet mers pasicekavėj, nuors dėktėn „Europas sājunga svarbiau-



Lins Malinauskis.

nē Žemaitėjē“, ka pakabavūn cedelius už užslūgas žemaitėškomū. Pasivadintė muokslėninčiu formuonus ē pakaliavuotē anīms, ka nusitavuorītom karužas, katruos Skūda paštē ondeliūn, šėtā valdē juoks

popėrmoms.

Savėvaldas lasēmā atsijuovėn ē lasintuojē užkaragliūs sava agnasa kriukaudama, vuo Skūdē rėk tuokiuos valdīuos, katra tāj steigas ont žemaitėškoma, a nē.

Bartovuos progimnazėjės direktuorios: „Juokiuos žemaitėškas vieliavas mums nerēk“

Nu paskotėnē „Ruodas“ nomerē prasivuolėna mažnē do meto. Daugis skoudėškiu patiemėjē vieliavas, katruos bova ēškeltas pri Skouda muokslėninčiu, tēj pat savėvaldībės. Prasivuolėnus dvīm metam vėninintelē vieliava belėka tik pri savėvaldībės bodinkas, vėsor kėtor tū vieliauvu neblėka. „Ruoda“ iduomavuos, kuokė dingstēm vieliauvu pri Skouda muokslėninčiu nebie. *Nukelts i 2 psl.*



Bartovos progėmnazėjė.

Agnasas – medalis
Anštikis – atsitikimas
Atsijuovīti – atkeliauti
Andeliuoti – prekiauti
Apsivažėms – kompromisas
Atėlda – pertrauka
Atgajuoti – atgimti
Atskėds – atskiras
Atruoduoti – atsakyti
Aurėn – ten
Bažmos – daug
Brukis – tarpas
Cimusinis – pagrindinis
Cedelis – ženkliukas
Čiesos – laikas
Daugis – dauguma
Dėktinti – teigti
Dīvitis – stebėtis
Dingsnis – priežastis
Drukavuoti – spausdinti
Irinkis – aplinka
Gatavs – visiškas
Gazieta – laikraštis
Glaunus – svarbus

Pargoldītuos

Kadarouti – plevesuoti
Karkliuoti – kabinti
Karuža – vėliava
Kaipti – nykti
Kriokauti – balsuoti
Kregė – problema
Kuolīti – girti
Kušinti – judinti
Lasimā – rinkimai
Majedna – keista
Mažnē – beveik
Mustīti – privalieti
Nunā – dabar
Nuognė – labai
Nusitavuorīti – nusipirkti
Navīna – naujiena
Pakaliavuoti – pareikalauti
Pasiciekavuoja – pasižymėjęs
Pasitruopīti – pasitaikyti

Nukelts i 2 psl.

Bartovuos progimnazėjės direktuorios: „Juokiuos žemaitėškas vieliavas mums nerėk“



Meno mokslinīčia.

Atkelts ēš 1 psl.

Pradiuo pazvanėjuom i Bartovuos progimnazėjė. Šėta muokslėninčė, jau onkštiau bova pasitiemėjos, ka prīš pat muoksla metu pradiuos švėntė, Žemaitėjės vieliava bova nulėsta. Muokslėninčės direktuorė puozėcėjė, katruos steigiejė ī savėvaldībė besiskelbontė žemaitėškiausė ont Lietovuos, veizas majednė. Juokšos Vėrgėnėjos dėktėn: „Vielia, katra bova paduove nuota sodrėska. Daugiau mes žemaitėškas vieliavas nebnuorem“. Pasiīduomavos, būktās kaitie okatas tam, direktuorios prīdor, ka anam če „ėšvės nie aiškos pruodokts, ka vieliava sokūrė kažkuoks Skarbalios“ (red. pat. vieliavas autuorios sovėsā ne E. Skarbalius). Pajautavuojom, a tamīsta dērektuorios zgedavuos aple vieliava informacėjės heraldėkas komėsėjuo, a savėvaldībė? „Nesiīduomavau, nes žemaitėškas vieliavas mums nerėk“ – tuoks bova atsaks vaduova, nu katruo prīgol so kokė puovīza i sava krašta ogduomi skoudėškiu vākā.

P. Žadeikė gimnazėjės direktuorė Skarienė Gražina nebova tuokė užsistėčėnos, kāp V. Juokšos.

Pasitiešėjos, ka vieliava sodrėska direktuorė patiemėjė, ka vieliava gėmnazėjuo kėravuo savam moziejie. „Jė jūs nuoret, mes par švėntės galem anou pakabintė“ – dėktėna G. Skarienė, būktās Žemaitėjės vieliava ana sositašios ēškeltė mumis pakontintė, vuo ne muokslėninčės bėndroumenės labibā.



P. Žadeikio progėmnazėje.

Vieliava, katruos dabā nebie, kadarava ē palė Skoudo mena muokslėninčė. Pu pėrma direktuorė Raugienė Anelė kreišėjuos, ka vieliavuos nie diel žėimuos. Patiemėjos, ka vieliavas nebova jau ē vasaras čieso, direktuorė nepritėka ale tas mūsa smerkontis pasakīm, vialiau direktuorė patėkėna, ka anėi pasistuoruos tou vieliava nusitavuorītė. Direktuorės guodā, rėktom pakuolitė, ka ana vėinintelė i žemaitėškus pasicekavėlėmus atruodavuoje žemaitėškā. (Vėsi kėti ruokoutuojė so mumis ruokavuos čīsta lietovėška rokunda).

Pu tuokiū ruodu so rajuona muokslėninčiu direktuorės so vėsā nebe padīvėjė ēšdėdė savėm „žemaitėškiausio rajuono“

bevadėnontės valdiuos atsuovė.

Švėitėma skīrė vėdiejė nežėnuojė kab pri kuokiuos muokslėninčės vieliava a nē.

Ana dėktėna, ka tvarka īr liberalė ē patis muokslėniniu vaduovā sprėnd, rėk tuos žemaitėškas vieliavas a nē.

Vieliava prīš metus bova pradingos ē pri savėvaldībės bodinka. Pradiuo vicemerė D. Bodrienė dėktėna, ka vieliava ī nutavuorīta ē lauk kumet atsiūs. Siuntė aple mienesi ē čiūds, ka atsiuntė tou patė dėina, kumet bova pasiškondalinta „Skoudėškė“ feisbuka gropie.

„Ruoda“ baustėjas ē tuliau vuožoutė situacėjė so žemaitėškās žėnklās.

Pamačiti – pagelbėti
Pateriuoti – prarasti
Patiemīti – pastebėti
Popėrmumas – prioritetas
Povīza – požiuris
Prigulieti – priklausyti
Ruokunda – kalba
Rast – gal
Sėja – rugsėjis
Skačiuotis – rupintis
Stavuoti – turėti
Stavuoti – pajėgti
Stavuoklis – padėtis
Stičiti – priešgyniauti
Suzgrebinti – suprasti
Suoka – tarmė
Šmuočė – pakankamai
Špėtuokliuotā – linksmi
Tiešītis – viltis
Truopnus – patikimas
Tonkė – dažnai
Vieriti – tikėti
Valiti – galėti
Vuožauti – manyti
Žiegis – kartas
Ukstīti – priekaištauti
Uličė – gatvė
Užsluga – nuopelnas

Pargoldītuos

Vinkrus – liudnas
Valog – prie
Vairinībė – įdomybė
Vuožnus – svarbus
Zabuova – pramoga
Zajuoks – išdykėlis
Zaksuotė – dykinėti
Zalietas – piršlybos
Zalietninks – piršlys
Zalītė – kenkti
Zamba – plepalai
Zambaila – plepys
Zambis – žioplys
Zars – tuojuo, beveik
Zaukuorios – veidrodis
Zavaldra – pūga, audra
Zbitks – eibė, išdaiga
Zbrainus – labai judrus
Zdraica – nenuorama
Zeinis – paauglys
Zeltė – duoti, mušti
Zeptā – lūpos, burna
Zglembītė – skriausti
Zgrebnus – dailus
Zlastė – pyktis

Vuo šīmet Žemaitėjės veliavā apėnt neužteks stėibū?

Pernā par Skouda miesta švėntė pasitruopėjė ontstėkis, katros vīkst jau ne vėina žėigi. Pu pompastėšku ē kāp vėsumet banaliē ērgė postū ruodu, bova kelamas vieliavas. Ont trījū stėibū pakeltas bova Lietovuos, Skouda ē Euruopas Sājungas vieliavas. Žemaitėjės veliavā vėitas neblėka.

Tuokė pat veikalėnė atsi dingava Skouda Bartovuos pruogimnazėjuo, kumet prīš siejės 1-ma, Žemaitėjės vieliava bova pamainiouta ont Euruopas Sājungas.

2 žiegi Žemaitėjės vieliava bova „pamėršta“ pri Skouda savėvaldībės bodinka. Valdė „atsīmėnė“ tik pu pasiškundalėnėma.

Pasiteisėnėms būn, ka

neužtėnk stėibū, katrū vėsumet gana Euruopas Sājungas vieliavā. Skoudėškė prigvaltavuotė kontėntėis žemaitėškomo, katras bėngas patoncavuojemās apsiriedios tautėnės apriedās.

Bet sava tabalus tonciavoun ē zulusā, ē papuasā, ē bunga-bunga gentės. Veizās, ka Skouda valdė pri tink tuoks žemaitėškomis.



Istuorinė faktā



1219 m. pasirašyta Lietuvuos i Žemaitėjės sutartis su Haličo kunigaikščiu. Iš anuos sužinuom ka Žemaitijuo stipriausi kunigaistė bova Gedvils i Vīkēnts, sava valdas turiejēn vakarinie arba pēitinie Žemaitėjės dalī.

1236 m. pri Šiauliū ivīka Saulis mūšis, katrame žemaitē nugalieji kalavijuočius. Spiejama ka tam mūšiou vaduovava Žemaitiu kunigaikštis Vīkēnts. Po tuo mūšiaus praėjus 8 mienesiams ivīka kalavijuočiu i krīžiuoku politinis susijungims.

Žemaitiu pergali Saulis mūši daugiausē liemi tas, ka tou metu šiaurēs i vakarū žemaitē gerā sutari i vēini kitīms kap reikiedava pamačidava. Tuoks anū sutarēms matuoms i kovuose priš Mindauga.

1248-1252 metās Lietuvuo vīkstont vidaus karou Žemaitėjē suskēla i dvē stovīklas. Vīkēnta pusie priš Mindauga kovies tik vakarū žemaitē. Tas kars padāri dēdēli itaka žemaitiu kunigaikštēms, nes po tuo anēi vis rečiau beminavuojami oficialious raštouse, o iškiln jau didžiūnā.

1251 m. ivīka Tveru mūšis katrame Žemaitiu kunigaikšti Vīkēnta valduoma pili pouli Mindaugs su sava kariuomeni, bet anuos nepaiemi i pats bova sužeists. Kunigaistis Vīkēnts, kap spiejama, tame mūši žova.

1253 m. atsinaujēna kuovas su Livuonėjės ordinu.

1255 m. žemaitē sava vadu išsirinka kunigaistē Algmina. Tuoj sueiguojs suformulāva vēsa politini programa, katruoj bova numatīti konkreti žemaitiu veiksmā, bet i tolimesnē tū veiksmū tikslā.

1259 m. ivīka Skouda mūšis, katrame žemaitē nugalieji Livuonėjės krīžiuokus. Žova 33 riterē. Žemaitē, tou metu vīkdīdami atskira nu Mindauga, 1251 m. sudariusi taikuos sotarti su Livuonėjės ordinu, polētēka, intensīvē puldinieji Livuonėjē.

1260 m. lēipas 13 d. ivīka Durbēs mūšis, katrame žemaitē, vadovaujami kunigaistē Algmina, visiškā sumuši jungtēnēs Livuonėjės i Prūsėjės ordina pajiegas. Žuva 150 ordina riteriu. Ordinou po tuo pralaimiejima griesi visiškš žlugims, nes iškart prasidieji Didīsis Prūsū sukilims.

1329 m. kryžiuokā, vadovaujamē Čekėjės karaliaus Juona Liuksenburgietē, apgolē Medviegalē pili, katruo bova api 6000 žmuoniū. Žemaitē gīnies, bet bova priverstē pasidoutē.

Vīrus, muotrēskas ir vākus pakrēkštējē, bet pu kēik laika anēi viel grīža pri sava senuojē tikiejēma.

Pilienu pēlēs tragedējē geruokā palaužē Žemaitėjės jiegas ir pasipriešēnēma Ordēnou. Pu 1336 m. žemaitē bova priverstē atsisakītē karū su Ordino.


1382 m. spalē 31 d. Dubīsas žiuočiu saluo Jogailas ir Skirsgailas vardo bova

pasirašitas trīs sutartis su Ordēno. Pagal vēina sutarti Lētuvuos kunigaikštē pasižadiejē apsikrikštītē, pagal ontra – padietē Ordēnou kovuotē priš anū priešus. Pagal tretiojē sutarti – Ordēnou bova atidoutas žemaitiu žemēs tarp abijū Ordina daliū iki Dubīsas, bet Jogaila, matīt, jau 1383 metās žēnuojē api ketēnēma kvēistē anū būtē Lēnkėjės karalio ir api žanatvē su Jadvīga.

Jogailas politika igava savaronkēška krīpti. Krīžiuokā nutraukē sutarti su Jogaila ir pradiejē tartēis so Vītauto. Anūn apkrēkštējē ir pradiejē kaulītē, kad atidoutom Žemaitėjē.

1383 m. Žemaitius Ordēnou bova užrašēs Jogaila, vu 1384, 1392, 1400 ir 1409 m. – Vītauts.

1398 m. spalio 12 d. Vītauts Dēdēsis Nemuna saluo sudarē sutarti su Krīžiuoku Ordēno (Salina taika), pagal katro LDK Ordēnou užrašē Žemaitius iki Neviežē opēs. Lik tuo laika žēnuomē žemaitiu padovēnuojēma Ordēnou bova tik pažadā, ta šē sutartis ir Vītauta pažads padietē užvaldītē žemaitius, krīžiuokams kielē pagrīstas viltis. Bet žemaitius Ordins tevaldē tik iki 1401 m., kol Vītauts Vilniaus ir Radoma Aktās formalē igava LDK tētola. Tas patēs metās sukēlē žemaitē sonaikēna dvē pilis, katras Ordins bova pasistatēs Žemaitijuo, tad pu tuo Ordins Žemaitijuo nebtor kor bei-



sitvirtintē ir belēka sugrīžtē pri iprastū kariniu žīgiu. Ordēns apkaltēna Vītauta, kad uns sukorstē žemaitius sokēlēmou.

1410 m. ivīka Žalgērē mūšis, pu katruo baigies Žemaitiu karā su krīžiuokās.

1411 m. vasarē 1 d. Vėslas Saluo prišās Torūnē Lētuvuos ir Lēnkėjės valstībēs pasirašē sotarti su Vokietiu Ordēno, pagal katrūn Vītautou ir Jogailā iki gīvuos galvuos atiteka Žemaitiu žemē.

1411 m. Žemaitiu seniūno Vītauts paskirē Kesgaila Valimantāti.

1411–1795 m. – Žemaitėjē bova seniūnēje. Ta ir teritorinis – administracinis vēinets, katras iki pat Neviežē apjiemē vakarēnē Lietova. Anou sodarē žemēs, vo vėliau valstē. XVI omžiaus pėrmuo pusie veikē 29 valstē, katrēi vėliau

beveik nesikeitē. Be anū i Žemaitėjės Seniūnėjē dar ijejē Jurbarka apilēnkē ir Dėdiojē konigaikštē Skirsnemonēs dvars (Užnemonēs apilēnkēs, katruos priklause Vilkijuos ir Veliuonas valsčiams ir Skėrsnemonēs ir Jorbarka dvars).

Nu XV omžiaus pėnkta dešimtmetē pradiuos Žemaitiu seniūnēje dar bova vadēnama ir Žemaitiu konėgaikštystē. Anuos konėgaikštē tētulavuos Lētuvuos Dėdēsēs konėgaikštēs.

1413 m. Vītauts ir Jogaila, savaitē nuvīkē i Žemaitėjē, sėmbuolēškā anon krēkštējē, tūn darīdamē tikiejuos susilpnēntē Ordēna prētēnzējēs i Žemaitiu žemē.

1413 m. Vītauts, pėrmasis iš Lētuvuos valduovu, Žemaitēms suteikē privilegējē (dokumēnta teksts nier išlėkēs).

Interesnas vairēnībēs



Vikingā nikumet nedīveliejē galvuotiu so ragās. Tuokēi galvuotē bova parenčinti žēniam, nes so anās bova nevalna karia-
vuotē.

■ ■ ■



Zvuons sklindous ēš kriauklēs, katrou gērdam prisikēšēi pri ausēis, vēsā nie juoks jūras oušems, vo mumis skreibontē ala-
sa aldesīs. Izuolioutam nu alaso alkierie, juoks al-
desīs nesklēs.

■ ■ ■

Jē ont pērma šachmatu lēntuos longioka padiesi 1 rīžē grūda, ont ontruojē 2,


ont tretē longioka 4 ē t.t. pasitruopīs, ka bēndros rīžiu svuoris ont šachmatu lēntuos būs 460 miljardu tuonu. Tas tūkstonti žie-
giu bažmiau, nēgo metēnē rīžiu bīra ont svieta.

■ ■ ■



Deimontā susidarē gē-
liau, kāp 200 km pu zemēs
plota. Tik ognēkalnē anus
atbuogēn aurēn, kamē
žmuonis valēn anus pri-
gautē. Šētū kūliu augoms
aple 1,5 miljarda metu.

■ ■ ■



Pērms veikalēnē aple
vuoboli, nupoulosi Niuto-

nou ont kramēs, paskla-
davuojē Volters sava esie
aple Niutona. Pats Niutons
tokiuos veikalēnēs niku-
met nie mēnavuojēs.

■ ■ ■



Rīma ciesuorios Vespa-
sijans, katras valdē nuo 69
lēg 79 mūsa eras metu, va-
juodams ēškeravuotē im-
perējē nu nuosmūkē ivēdē
kašta už veišus tuoletus.
Atruodavuojams i sena-
tuoriu apsūdējēma, ons
paliecavuojē anīms pēnin-
gus pasmuokavuoatē. Ēš če
kēla puosakis „Pēningā ne-
smuokavoun”.

Anekduotā

Žmuona vīrou:

– Priraišiuok monēm pri
luovas ē dērbk, kou tik be-
valiji.

Vīrs priraišiuojē... ēr ēš-
sivuolēna i žvejība.

Aduoms pargrīžt vielā. Jēiva:

– Kamē bovā?

– Šliorēniejau.

– Vuo tēkrā?– itarē pa-
klausē Jēiva.

– Jēivālē, to gē žēnā, ka vedo
če tik vēini do patio tesav.

Ale kuožna vakara Jēi-
va parskaitlioun Aduoma
rēbkaulius.

Kou darītē, kumet ont
oušvienēs užpoul tēgros?

– Pats užpoulē, lai pats ē
ratavuojas.

Žmuona – vīrou:

– Ēšsiprousik marškē-
nius, ale žmuonis pamēs-
līs, ka aš diel tavēm nieka
nenudērbo.

Dikuo vīro būtē padabniau:
1. Telepuono dadnuoji
30 sek.

2. Fēlmūs plēkas tonkiau
ruoda motrēškas.

3. Rinda pri tuoleta 80%
trumpiesnē.

4. Pats someigi atidarītē
vēsas botelkas.

5. Vēsi tava orgazmā ne-
sovidinti.

6. Nusijiemi maikē, ku-
met tavēi karšta.

7. Žmuonēs nikumet ne-
veiz i tavo cacīnē.

Paipaliounas pējuoks nu
rītmetē, veiz priš anou zebros.

– Kas būsi?– jautavoun
pējuoks.

– Zebros.

– Kou če dērbi?

– Jūsa pējuoku jau tēik
privēsa, ka nebužtēnk bal-
tū arkliū.

Petrioks parejēs nomēi
saka tievou:

– Aš šēndēin pas tavi bo-
vau darbē.



– Vu kuo tau tēn prireikē?

– Pingu, bet tavēs ne-
radēs išsitraukiau iš tava
kēlniu kišenēs 100 euru.
Nepīksti?

– Ne, Petriok, matā jau
savaitē aš tēn nebdērbo. To
kēta karta nors i tūkstontē
pasijimk.

Pardoudams naujuos statības 3 kombariū, 72 kv. m. buts Latvijuo, pajūrē
miestālī ROJA. Autonuominis šildīms elektra. Pardoudams īrengts su visās bal-
dās, tudie juoki galvuos skausma diel buta remuonta i statībininku. Bute buva
vīkduoms nuomas verslas. Per metus buts uždērba api 6000 eur iš nomuos.
Tas sudara api 13% metiniu palūkanu, kap tum tarpu bankā muok už indielius
max 1%. Nams rundās pušīni, 800 m lig jūras. Butū priklausa 2 parkavēma
vēitas. Idealus variants ontram šeimuos būstū arba ēiškontēims patraukliuos
investēcēnēs gražuos. Esont susidomiejimou pakonsultousu visās klausimās
susijusēs su nuomas verslu Latvijuo. Palonguo analuogēšks buts minimum
dvigubā brungesnis. Kaina – 52 000 Eur. **Tel. 8 684 59213.**

Roja – ramus kuruortinis miestālīs su visa reikalinga infrastruktūra: krautuvim,
kaviniem, vakū žaidēma aikšteliem. Atstums iki Vilniaus 400 km, iki Kauna – 350 km.



Parduodams 2 kombariu bots Liepojoj. Nams re-
nuovuots, reguliuojams sildīms. Pati truopniausia
veita Liepojoj, iki kuopu robežiaus – 2 minutēs, iki
centra – 5 minutēs pėsčiomis. Už nouma gauset
aple 200 euru per mėnesi ne sezono metu ir aple
60 euru vasaros metu už nakti. Pakonsultousiu
visās nuomos klaisimās. Kaina – 32 000 Eur. Tai ir
daug pigiau nei Klaipėdoj vuo Polongoj.

Tel. 8 684 59213.